



UNIVERSITÄTS-  
BIBLIOTHEK  
PADERBORN

**PSALTE=||RIVM DAVIDIS || CARMINE REDDITVM || PER  
EOBANVM || HESSVM.||**

**Hessus, Helius Eobanus**

**Lipsiae, 1557**

**VD16 B 3198**

Psalmvs LXXXVI. Inclina Domine aurem tuam &c.

---

[urn:nbn:de:hbz:466:1-69301](https://nbn-resolving.org/urn:nbn:de:hbz:466:1-69301)

## Inclina Domine aurem tuam &amp;c.

## ARGVMENTVM.

Est precatio, ut liberetur ex periculis, sicut etiam titulus ostendit. Nititur autem oratio hæc tota non aliquibus suis meritis, sed misericordia & bonitate Dei. Quare atrox inligne epiphonema, quod non sit alius Deus similis misericordia & bonitate, & orat, ut in hac fiducia, quam uerbum prædicat, seruetur. Addit etiam gratiarum actionem, tanquam iam sit exauditus.

*Ex animo est orare Deum res magna, nec illi  
Vllus eo cultus gratior esse potest.  
Innumeris Dauida uides erroribus actum,  
In medijs orat semper at ille malis.*

## Oratio Dauid.

Propositio  
precatiois, ex  
audi me, fre-  
quens autē re-  
peditio ostēdit  
uolentiam  
affectus.

**M**axime quem Dominū nobis solum esse fatemur  
Huc age uerte aures ad mea uerba pias.  
Exaudi gemitus tristi de corde profectos,  
Ne uacuas uoces exulis esse sine.  
Cura sit hanc animam tibi conseruare fidelem,  
Sanctus enim pura sum bonitate tibi.  
O utinam famulum uera dignere salute,  
Qui sine te nullum, cui bene fidat, habet.  
Sis pius & propior tua me clementia seruet,  
Qui nullo tibi non tempore nota fero.

Leticia

Læticia perſinde meam Deus unice uitam,  
 Heret ab arbitrio mens mea tota tuo.  
 Tu ſiquidem bonus es, cunctis tua gratia aperta eſt,  
 Qui te cunq; pia cum ratione uocant,  
 Præbe meis iterum placatas uocibus aures,  
 Nec ſine nil precibus ponderis eſſe meis.  
 Ad tua confugio peruerſis numina rebus,  
 Namq; audis humili quæ tibi uoce queror.  
 Nemo tibi diuûm ſimilis, nec talia quiſquam  
 Deſignare poteſt, qualia ſolus agis.  
 Ergo omnes uenient Gentes quaſcunq; creasti,  
 Nomen adorantes laude & honore tuum.  
 Quod magnus miranda geras, quod maximus idem  
 Sis Deus, & ſolus ſis ſine fine Deus.  
 Me tua, maxime dux, duc per ueſtigia, ne ſim  
 Ignarus ueræ, quæ mihi eunda uia eſt.  
 Intima fac noſtri lætentur uiſcera cordis,  
 Vt metuant uero nomen amore tuum.  
 Perſoluam meritas uero tibi pectore grates  
 Perpetuo plenus laudis amore tuæ.  
 Magna tua eſt in me bonitas, qui morte grauatum  
 Me uelut è ſtygio reddis ad aſtra lacu.  
 In me ſagitjs inſurrexere ſuperbi,  
 Mi Deus optantes illaqueare, ſuis.  
 Turba meam quærun, robuſti, peſſima uitam,  
 Nec quid habent penſi, nec tua ſceptra timent.  
 At nunc tu pius & promptus miſereſcere, lentus  
 Vindicta, uero maxime, ſumme fide.  
 Reſpice me miſerum, da fortia pectora ſeruo,  
 Da nato famulæ tempora ſalua tuæ.

N 2

Ede

Vides cauſſam  
 cur oret, quia  
 Deus è bonus.

Epiphonema.  
 Admiratur &  
 prædicat ſui Dei  
 bonitatem, ut  
 ad talem Deum  
 abieciſis idolis,  
 omnes Gentes  
 confugiant.

Sucijcit hic quæ  
 que petitiunculam,  
 ut feruetur in uerbo et  
 timore Dei.

Gratiarum actio

Redit ad præca-  
 tionem, & com-  
 memorat pericu-  
 lula in quibus  
 ſit.

Hoc signum est  
ipsa liberatio,  
quam Deus cō-  
tra impiorum  
cogitatioēs fa-  
cit.

*E*de aliquod mecum signum bonitatis, ut illo  
Fraus uiso, subito uicta pudore cadat.  
*P*rotinus agnoscent, quia tu me iuueris, & sis  
Solatus famuli pectora mœsta tui.

## PSALMVS LXXXVII.

Fundamenta eius in montibus san.

## ARGVMENTVM.

Est prophetia de Ecclesia noui Testamen-  
ti, quod sit futura ceu ciuitas, quæ totum or-  
bem impleat, in qua nascantur Æthiopes,  
Ægyptij, Babylonij, Tyrj, Palestini, & om-  
nium linguarum homines: Nascuntur autem  
temper uerbum Euangelij, quo remittuntur  
peccata, quo purificantur corda fide, &  
donatur uita æterna. Et quod unicus cultus  
erit, canere & prædicare gloriam & miseriam  
cordiam Dei per Euangelium.

*Q*ueis sua sit regi iungenda Ecclesia Christo,  
More Prophetarum sæcla futura canit,  
*Q*uæ sit contractura homines diuersa loquentes,  
Regni sit spaciū cuius & orbis idem.

Psalmus &amp; canticum filiorum Chorah.

Narratio, qd  
Deus amet Ec-  
clesiam, & de-  
fendat & for-  
suet.

*T*ecta Sionæ Dominus probat in clyta rupis,  
Plusquam cuncta tribus magne Iacobe tuæ.  
*I*psa etenim sanctis fundata in montibus, omnes  
Gentis ab excelsa despicit arce locum.